



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱԶԳԱՅԻՆ ԺՈՂՈՎ  
ՊԱՏԳԱՄԱՎՈՐ**

**0095 Բ. Երևան, Մարշալ Բաղրամյան 19, հեռ. (011) 513-429,**

23.04.2020թ.

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԱԶԳԱՅԻՆ ԺՈՂՈՎԻ ՆԱՀԱԳԱՀ  
ՊԱՐՈՆ ԱՐԱՐԱՏ ՄԻՐՁՈՅԱՆԻՆ**

**Հարգելի՛ պարոն Միրզոյան,**

Ղեկավարվելով Սահմանադրության 109-րդ հոդվածի 1-ին մասով և «Ազգային ժողովի կանոնակարգ» սահմանադրական օրենքի 67-րդ հոդվածի 1-ին մասով՝ Ազգային ժողովի քննարկմանն ենք ներկայացնում «Հայաստանի Հանրապետության քրեական օրենսգրքում լրացում կատարելու մասին» ՀՀ օրենքի նախագիծը (այսուհետ՝ Նախագիծ), որի հիմնական զեկուցողն է պատգամավոր՝ Վլադիմիր Վարդանյանը:

Ազգային ժողովի աշխատակարգի 25-րդ կետի համաձայն՝ կից ներկայացնում ենք առաջադրվող Նախագիծը, դրա ընդունման հիմնավորումը, ինչպես նաև համապատասխան օրենսգրքում առաջարկվող փոփոխությունների վերաբերյալ տեղեկանքը:

Խնդրում ենք ներկայացված Նախագիծը սահմանված կարգով դնել շրջանառության մեջ:

**ՊԱՏԳԱՄԱՎՈՐՆԵՐ՝**

Վլադիմիր Վարդանյան

Արարատ Միրզոյան

Հովհաննես Հովհաննիսյան

Մխիթար Հայրապետյան


Արուսյակ Զուլհալյան

Սարգիս Խանդանյան

Արսեն Զուլֆալական

Թագուհի Ղազարյան

Լիլիթ Մակունց

The image shows six handwritten signatures in blue ink, each corresponding to one of the names listed on the left. The signatures are written in a cursive style. The first signature is for Hovhannēs Hovhannisiyān, the second for Mkhitar Hayrapetian, the third for Arusyak Zuhalyan, the fourth for Sargis Khannanyan, the fifth for Arsen Zulfakanyan, and the sixth for Taguhi Khacharyan. The signature for Lilith Mkunts is also present but is partially obscured by the others.

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՕՐԵՆՔԸ**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՔՐԵԱԿԱՆ ՕՐԵՆՍԳՐՔՈՒՄ ԼՐԱՑՈՒՄ  
ԿԱՏԱՐԵԼՈՒ ՄԱՍԻՆ**

**Հոդված 1.** Հայաստանի Հանրապետության 2003 թվականի ապրիլի 18-ի ՀՕ-528-Ն քրեական օրենսգիրքը լրացնել հետեւյալ բովանդակությամբ 393.1-ին հոդվածով.

« **Հոդված 393.1** Ցեղասպանության ուղղակի և հրապարակային հրահրումը,

1. Ցեղասպանության ուղղակի և հրապարակային հրահրումը՝  
պատժվում է ազատազրկմամբ՝ ութից տասը տարի ժամկետով:

2. Նույն արարքը, որը կատարվել է.

1) զանգվածային լրատվության միջոցներով կամ համակարգչային համակարգի միջոցով,

2) մի խումբ անձանց կողմից նախնական համաձայնությամբ՝  
պատժվում է ազատազրկմամբ՝ տասից տասնչորս տարի ժամկետով:

3. Սույն հոդվածի առաջին կամ երկրորդ մասով նախատեսված արարքը, որը կատարվել է՝

1) կազմակերպված խմբի կողմից,

2) պաշտոնեական դիրքն օգտագործելով՝

պատժվում է ազատազրկմամբ տասնչորսից քսան տարի ժամկետով, կամ ցմահ ազատազրկմամբ:»:

**Հոդված 2.** Սույն օրենքն ուժի մեջ է մտնում պաշտոնական հրապարակման օրվան հաջորդող տասներորդ օրը:

## ՀԻՄՆԱՎՈՐՈՒՄ

### «ՀՀ ՔՐԵԱԿԱՆ ՕՐԵՆՍԳՐՔՈՒՄ ԼՐԱՑՈՒՄ ԿԱՏԱՐԵԼՈՒ ՄԱՍԻՆ» ՕՐԵՆՔԻ ԸՆԴՈՒՆՄԱՆ

#### 1. Առկա խնդիրներ

ՀՀ կողմից վավերացված և 1993 թվականի հունիսի 23-ից ՀՀ համար ուժի մեջ մտած Միավորված ազգերի կազմակերպության (ՄԱԿ) 1948թ. դեկտեմբերի 9-ի *Ցեղասպանության հանցագործությունը կանխարգելելու և պատժելու մասին* կոնվենցիան (այսուհետ՝ Կոնվենցիա) սահմանում է, որ ցեղասպանությունը, անկախ նրանից կատարվում է խաղաղ, թե պատերազմական պայմաններում, ըստ միջազգային իրավունքի հանցագործություն է, որով պայմանավորվող կողմերը պարտավորվում են կանխարգելել և պատժել այն կատարելու համար:

Միաժամանակ, Կոնվենցիայի 3-րդ հոդվածը պատժելի արարքների թվին է դասում ոչ միայն ցեղասպանությունը, ցեղասպանություն կատարելու նպատակով դավադրությունը, ցեղասպանություն կատարելու փորձը, հանցակցությունը ցեղասպանության կատարման մեջ, այլև **ցեղասպանության ուղղակի և հրապարակային հրահրումը**<sup>1</sup>:

ՀՀ գործող քրեական օրենսգիրքը (այսուհետ՝ Օրենսգիրք) «Խաղաղության եվ մարդկության անվտանգության դեմ ուղղված հանցագործություններ» վերտառությամբ գլխում՝ 393-րդ հոդվածով ցեղասպանությունը ամրագրված է որպես քրեորեն պատժելի արարք: Օրենսգիրքը չի նախատեսում ցեղասպանության ուղղակի և հրապարակային հրահրումը որպես քրեորեն պատժելի արարք, մինչդեռ Կոնվենցիայի 3-րդ հոդվածը սահմանում է, որ ցեղասպանության ուղղակի և հրապարակային հրահրումը ևս պետք է քրեորեն պատժելի լինի: Օրենսգրքի նույն գլխում առանձին հոդվածներ են նախատեսված ագրեսիվ պատերազմի (հոդված 384) և ագրեսիվ պատերազմի հրապարակային կոչերի (հոդված 385) համար:

Մինչդեռ, որպես ցեղասպանություն վերապրած ժողովուրդ՝ ՀՀ-ն առաջին երկրներից մեկը պետք է լիներ, որ քրեականացներ ցեղասպանության հրապարակային և ուղղակի հրահրումը՝ իրագործելով Կոնվենցիայի պահանջը: Դա նաև ցեղասպանությունների կանխարգելման հարցում և Կոնվենցիայի շարունակական իրացվելիությունն ապահովելու հետևողական և նպատակային

<sup>1</sup> Ցեղասպանության հանցագործությունը կանխարգելելու եվ պատժելու մասին կոնվենցիա <https://www.arlis.am/DocumentView.aspx?DocID=75835>



քայլերից մեկը կլիներ ՀՀ համար: Ներկայացված նախագիծը միտված է այս բացի վերացմանը և ցեղասպանությունների կանխարգելման քայլերից մեկն է լինելու:

Ավելին, ՀՀ կառավարության 2019 թվականի փետրվարի 8-ի N 65 - Ա որոշմամբ հաստատված ՀՀ կառավարության ծրագրով ցեղասպանության և մարդկայնության դեմ ուղղված հանցագործությունների կանխարգելումը արտաքին քաղաքականության ոլորտում դիտարկված է որպես Կառավարության առաջնայնություններից մեկը<sup>2</sup>:

Ի կատարումն Կոնվենցիոն պահանջի՝ մի շարք երկրներ քրեականացրել են ցեղասպանության ուղղակի և հրապարակային հրահրման հանցակազմը: Տարբեր պետությունների օրենսդրության վերլուծությունը ցույց է տալիս, որ որպես կանոն քրեորեն պատժելի արարքների թվին են դասվել ոչ միայն ցեղասպանությունը, այլև դրա հրապարակային կոչերը, ցեղասպանության ուղղակի և հրապարակային հրահրումը կամ ցեղասպանություն իրականացնելու վերաբերյալ կոչ պարունակող նյութեր կամ ցեղասպանություն հրահրելու վերաբերյալ նյութեր տարածելը կամ այդ նպատակով պատրաստելը: Մասնավորապես համանման կանոնակարգումներ են առկա Ֆիանսիայի<sup>3</sup>, Իտալիայի<sup>4</sup>, Ուկրաինիայի<sup>5</sup>, Ալբանիայի<sup>6</sup>, Ավստրալիայի<sup>7</sup>,

<sup>2</sup> ՀՀ կառավարությունը արտաքին քաղաքականության ոլորտում գործում է

-Հայոց ցեղասպանության միջազգային ճանաչման, դատապարտման գործընթացի շարունակականությունն ապահովելու ուղղությամբ,

-ցեղասպանության և մարդկության դեմ հանցագործությունների կանխարգելման ուղղությամբ՝ շարունակելով առաջամարտիկի դեր խաղալ այս հարցում իրականացվող միջազգային ջանքերում: Այս առումով Կառավարությունը շարունակելու է հետամուտ լինել նաև ազգային, էթնիկ, կրոնական և ռասսայական հողի վրա խտրականության և անհանդուրժողականության դրսևորումների դեմ միջազգային պայքարին:

ՀՀ կառավարության 2019 թվականի փետրվարի 8-ի N 65 - Ա որոշման Հավելված

<https://www.gov.am/files/docs/3133.pdf>

<sup>3</sup> Code penal, Version consolidée au 25 mars 2020, Chapitre 1er: Du genocide Article 211-2

[https://www.legifrance.gouv.fr/affichCode.do;jsessionid=A4990BFCEE1AE827C85C9A67C31C1AE6.tplgfr43s\\_2?idSectionTA=LEGISCTA000006165393&cidTexte=LEGITEXT000006070719&dateTexte=20200420](https://www.legifrance.gouv.fr/affichCode.do;jsessionid=A4990BFCEE1AE827C85C9A67C31C1AE6.tplgfr43s_2?idSectionTA=LEGISCTA000006165393&cidTexte=LEGITEXT000006070719&dateTexte=20200420)

<sup>4</sup> CODICE PENALE (dalla L. 19 luglio 2019, n. 69,) Art. 604-bis.

<https://www.altalex.com/documents/news/2014/10/28/dei-delitti-contro-la-persona>

<sup>5</sup> Уголовный кодекс Украины от 5 апреля 2001 года № 2341-III (с изменениями и дополнениями по состоянию на 17.03.2020 г.) ч 2 ст. 442. (Геноцид)

[https://online.zakon.kz/document/?doc\\_id=30418109#pos=3740;-56](https://online.zakon.kz/document/?doc_id=30418109#pos=3740;-56)

<sup>6</sup> Criminal code of the Republic of Albania, (Amended by law no.89/2017)

Article 74/a Computer dissemination of materials favoring genocide or crimes against

humanity [https://www.legislationline.org/download/id/8235/file/Albania\\_CC\\_1995\\_am2017\\_en.pdf](https://www.legislationline.org/download/id/8235/file/Albania_CC_1995_am2017_en.pdf)

<sup>7</sup> Criminal Code Act 1995, Compilation No. 131 (This is a compilation of the Criminal Code Act 1995 that shows the text of the law as amended and in force on 20 March 2020 (the compilation date))

Լատվիայի<sup>8</sup>, Ռումինիայի<sup>9</sup>, Մալթայի<sup>10</sup>, Խորվաթիայի<sup>11</sup> և մի շարք այլ երկրների քրեական օրենսդրություններում:

Ինչ վերաբերում է նշված հանցագործությանն առնչվող դատական պրակտիկային, ապա ցեղասպանության հրահրումը՝ որպես միջազգային հանցագործություն, փաստացի դատապարտվել է 1946 թվականին, երբ Յուլիուս Շտրայխերն ու Հանս Ֆրիցշեն պատասխանատվության ենթարկվեցին Նյուրնբերգի միջազգային ռազմական դատարանի կողմից: Չնայած «Ցեղասպանության հրահրում» արտահայտությունը, որպես այդպիսին, դեռ չէր գործածվել, մեղադրյալները պատասխանատվության ենթարկվեցին մարդկայնության դեմ ուղղված հանցագործությունների համար: Այնուամենայնիվ, մեղադրանքները հիմնված են եղել այն արարքների վրա, որոնք այսօր կազմում են ցեղասպանության ուղղակի և հրապարակային հրահրման հանցակազմը<sup>12</sup>:

«Հրահրմանը» վերաբերող Կոնվենցիայում պարունակվող դրույթը ընդգծվեց Ռուանդայի ցեղասպանության համատեքստում<sup>13</sup>: ՄԱԿ-ի Անվտանգության խորհրդի 1994 թվականին 955 բանաձևով ստեղծված Ռուանդայի միջազգային քրեական դատարանը Ժ.-Պ. Ակայեսուի գործի շրջանակներում առաջին անգամ պատասխանատվության ենթարկեց մեղադրյալին ցեղասպանության ուղղակի և հրապարակային հրահրման համար: Ռուանդային միջազգային քրեական դատարանը, նշված գործի շրջանակներում, ցեղասպանությունը դասեց

---

80.2D ( Advocating genocide) <https://www.legislation.gov.au/Details/C2020C00120>

<sup>8</sup> Criminal Law of the Republic of Latvia (1998, amended 2018) ,Section 71.1 (Invitation to Genocide,) [https://www.legislationline.org/download/id/8266/file/Latvia\\_CC\\_1998\\_am2018\\_en.pdf](https://www.legislationline.org/download/id/8266/file/Latvia_CC_1998_am2018_en.pdf)

<sup>9</sup> Penal Code of July 17, 2009 (\* updated \*) (Law no. 286/2009) (updated until February 27, 2017 \*) Article 438 Genocide,4, [https://www.legislationline.org/download/id/8291/file/Romania\\_Penal%20Code\\_am2017\\_en.pdf](https://www.legislationline.org/download/id/8291/file/Romania_Penal%20Code_am2017_en.pdf)

<sup>10</sup> Criminal Code of the Republic of Malta, This Code was subsequently amended by Ordinances:... Act III of 2020. Genocide. Added by:XXIV.2002.13., <http://www.justiceservices.gov.mt/DownloadDocument.aspx?app=lom&itemid=8574&l=1>

<sup>11</sup> Criminal Code of the Republic of Croatia Article 88 (2) (3) [https://www.legislationline.org/download/id/7896/file/Croatia\\_Criminal\\_Code\\_2011\\_en.pdf](https://www.legislationline.org/download/id/7896/file/Croatia_Criminal_Code_2011_en.pdf)

Kazneni zakon pročišćeni tekst zakona (NN 125/11, 144/12, 56/15, 61/15, 101/17, 118/18, 126/19 na snazi od 01.01.2020) članak 88 (3) <https://www.zakon.hr/z/98/Kazneni-zakon>

<sup>12</sup> NTERNATIONAL MILITARY TRIBUNAL (NUREMBERG) Judgment of 1 October 1946 [https://crimeofaggression.info/documents/6/1946\\_Nuremberg\\_Judgement.pdf](https://crimeofaggression.info/documents/6/1946_Nuremberg_Judgement.pdf)

<sup>13</sup> 1994 թվականի ապրիլից մինչև հուլիս ընկած ժամանակահատվածում հուրու մեծամասնության անդամները, գործելով մաշետի, հրազենի և զենքի այլ տեսակներով, սպանել են մինչև մեկ միլիոն մարդ, որտեղ զոհերի ճնշող մեծամասնությունը կազմում էին Թուսի փոքրամասնության ներկայացուցիչները “Rwanda: How the genocide happened”, BBC News, 17 May 2011, available at: <https://www.bbc.com/news/world-africa-13431486>



առանձնապես ծանր հանցագործությունների շարքին՝ ընդգծելով, որ նման հանցագործության ուղղակի և հրապարակային հրահրումը ենթակա է պատժի, նույնիսկ եթե նման հրահրումը չի հանգեցրել հանցագործի սպասվելիք արդյունքին<sup>14</sup>:

1997 թվականին Ռուանդայի միջազգային քրեական դատարանը երեք ռուանդացիների մեղադրանք առաջադրեց «ցեղասպանության հրահրման» համար<sup>15</sup>: Առաջին անգամ մասնավոր լրատվամիջոցների ներկայացուցիչներ Ֆերդինանդ Նահիմանը և Ժան-Բոսկո Բարայագվիզը Ռուանդայում Radio-Television Libre des Mille Collines (RTLM) լրատվական կազմակերպության հիմնադիրները<sup>16</sup>, ինչպես նաև Հասան Նգեզեն<sup>17</sup> Ռուանդայի “Kangura” թերթի նախկին խմբագիրը, դատարանի առջև կանգնեցին՝ զանգվածային լրատվության միջոցները որպես հուբու ծայրահեղականների կողմից թուփսիների նկատմամբ բռնության կոչերի խրախուսման և հրահրման միջոց օգտագործելու համար<sup>18</sup>:

<sup>14</sup> The Prosecutor v. Jean-Paul Akayesu (Trial Judgement), ICTR-96-4-T, International Criminal Tribunal for Rwanda (ICTR), 2 September 1998, available at: <https://unictr.irmct.org/en/cases/ict-96-4>

<sup>15</sup> The Prosecutor v. Ferdinand Nahimana, Jean-Bosco Barayagwiza, Hassan Ngeze (Appeal Judgment), ICTR-99-52-A, International Criminal Tribunal for Rwanda (ICTR), 28 November 2007, available at: <https://unictr.irmct.org/en/cases/ict-99-52>

<sup>16</sup> Ֆերդինանդ Նահիման և Ժան-Բոսկո Բարայագվիզան՝ Radio Télévision Libre des Mille Collines (RTLM) ռադիոկայանի հիմնադիրները, հրապարակային ուղղակի և անուղղակի սպանելու կոչեր են հնչեցրել, երբեմն, նույնիսկ հայտնել սպանության ենթակա մարդկանց անուններն ու գտնվելու վայրերը: Զանգվածային սպանություններին նախորդող օրերին և դրանց ընթացքում RTLM-ն օգնություն է ստացել Ռուանդայի ռադիոյից, որը պատկանում է կառավարությանը: Ռադիոյով կառավարվող հաղորդիչների ցանցի միջոցով կոչերը հնչել են ամբողջ երկրով մեկ: 2000 թվականի հոկտեմբերի 23-ին սկսված Ռուանդայի «Լրատվամիջոցների նկատմամբ դատական գործընթացի» կենտրոնում խոսքի ազատության իրավունքի հարց էր դրված: INCITEMENT TO GENOCIDE IN INTERNATIONAL LAW

<https://encyclopedia.ushmm.org/content/en/article/incitement-to-genocide-in-international-law>

<sup>17</sup> Գեղասպանությանը նախորդող մի քանի ամիսների ընթացքում հրապարակել է թիրախային հոդվածներ, որոնք ապամարդկայնացնում էին թուփսիներին՝ որակելով վերջիններիս որպես ինյենզի (խավարասերների), չնայած երբեք անմիջականորեն նրանց սպանության կոչ չի արել: Տե՛ս նույն տեղում:

<sup>18</sup> Մեղադրող կողմը ամբաստանյալներից յուրաքանչյուրին առաջադրեց ուղղակի պատասխանատվության ենթարկել ցեղասպանության, ցեղասպանություն կատարելու նպատակով դավադրության, ցեղասպանության ուղղակի և հրապարակային հրահրման, ցեղասպանություն կատարելու փորձի, ցեղասպանության կատարման մեջ հանցակցության, մարդկայնության դեմ հանցագործությունների՝ հետապնդման, ոչնչացման և սպանության համար: Միավորված ազգերի կազմակերպության Ռուանդայի միջազգային քրեական դատարանը մեղադրյալներին մեղավոր ճանաչեց ցեղասպանության, ցեղասպանություն կատարելու նպատակով դավադրության, ցեղասպանության ուղղակի և հրապարակային հրահրման և հետապնդումների և ոչնչացման համար մարդկայնության դեմ ուղղված հանցագործությունների կատարման մեջ: Դատարանը հանդես եկավ հետևյալ հայտարարությամբ. «Առանց հրազենի, մաշտեղի կամ որևէ այլ զենքի դուք հազարավոր

Հետագայում Ռուանդայի միջազգային քրեական դատարանը ևս մի քանի գործի շրջանակներում անդրադարձել է ցեղասպանության ուղղակի և հրապարակային հրահրման պատժելիության հարցին, մասնավորապես Մեղադրողն ընդդեմ Սայմոն Բիկինդի<sup>19</sup>, Մեղադրողն ընդդեմ Էդուարդ Կարեմերայի և Մաթյե Նգիրումպացեի<sup>20</sup>, Նիրամասուխուկոն և ուրիշները<sup>21</sup> գործերում և այլն:

## 2. Առաջարկվող կարգավորումները

Հաշվի առնելով վերոգրյալը՝ սույն օրենսդրական նախաձեռնությամբ առաջարկվում է՝ քրեականացնել ցեղասպանության ուղղակի և հրապարակային հրահրումը և Օրենսգիրքը լրացնել նոր 393.1-ին հոդվածով՝ «Ցեղասպանության ուղղակի և հրապարակային հրահրումը» վերտառությամբ:

անմեղ քաղաքացիական անձանց մահվան պատճառ եք դարձել», ապա ձևակերպելով դատավճիռը՝ դատարանը նշեց. «... ԶԼՄ-ների ընդունակ են ստեղծել և ոչնչացնել մարդկային հիմնարար արժեքներ: Նրանք, ովքեր վերահսկում են ԶԼՄ-ները, պատասխանատվություն են կրում դրանց հետևանքների համար»: Մեղադրող կողմն ապացուցեց հրահրման «ուղղակի» բնույթը՝ պարզաբանելով, որ ամբաստանյալներն օգտագործել են էվֆեմիզմներ, ինչպիսիք են՝ «գնա աշխատանքի» արտահայտությունը՝ որպես թուփսնների սպանության կոչ: Ավելի մանրամասն տես՝ INCITEMENT TO GENOCIDE IN INTERNATIONAL LAW

<https://encyclopedia.ushmm.org/content/en/article/incitement-to-genocide-in-international-law>

<sup>19</sup> Դատարանը Բիկինդիին մեղավոր է ճանաչել **ցեղասպանության ուղղակի և հրապարակային հրահրման** մեջ: Դատարանը պարզել է, որ 1994 թվականի հունիսի վերջին Գիսենյիի պրեֆեկտուրայում՝ գտնվելով «Ինտերահամվ» ավտոշարայան կազմում, Բիկինդին գտնվել է երգեր հեռարձակող բարձր հաղորդակցման համակարգերով հագեցած ավտոմեքենայում և նա օգտագործել է բարձր կապի համակարգը կոչ անելով հույուներին ապստամբել և ոչնչացնել Թութսիներին: Դատարանը Բիկինդիին դատապարտել է տասնհինգ տարվա ազատազրկման: Տես՝ *The Prosecutor v. Simon Bikindi (Judgment)*, ICTR-01-72-T, International Criminal Tribunal for Rwanda (ICTR), 2 December 2008, available at: <https://unictr.irmct.org/sites/unictr.org/files/cases/ict-01-72/public-information/en/profile-bikindi.pdf>

<sup>20</sup> Կարեմերան և Նգիրումպատեն դատապարտվեցին ցեղասպանության, ցեղասպանություն կատարելու նպատակով դավադրության համար, ցեղասպանության ուղղակի և հրապարակային հրահրման, բռնաբարության և բնաջնջման համար՝ որպես մարդկայության դեմ ուղղված հանցագործություն, և Կոնվենցիայի 3-րդ հոդվածի լուրջ խախտումների համար: Նրանք դատապարտվել են ցմահ ազատազրկման: Տես՝ *The Prosecutor v. Edouard Karemera & Matthieu Ndirumpatse*, ICTR-98-44-T, available at: <https://unictr.irmct.org/en/cases/ict-98-44>

<sup>21</sup> Մեղադրող կողմը նրանցից յուրաքանչյուրին առաջադրեց մեղադրանք ցեղասպանության, ցեղասպանության իրականացման նպատակով դավադրության, ցեղասպանության հանցակցության, մարդկայության դեմ ուղղված հանցագործությունների, որոնք կապված են բնաջնջման, սպանության, հետապնդման և այլ անմարդկային գործողությունների հետ և կյանքի նկատմամբ բռնության՝ որպես ռազմական հանցագործություն կատարման համար: Նրանք բոլորը, բացառությամբ Նթահորեպի, մեղադրվեցին ցեղասպանության իրագործման ուղղակի և հրապարակային հրահրման համար: Տես՝ *NYIRAMASUHUKO et al. (Butare)*, (ICTR-98-42-A), available at: <https://www.legal-tools.org/doc/1d2476/pdf/>



«Ուղղակի հրահրումը» քննարկվող արարքներում պետք է նշանակի, որ հրահրումը, կոչը պետք է լինի հստակ և բովանդակային առումով տարընկալումների տեղիք չտա: Միաժամանակ, հրահրումը պետք է լինի հրապարակային, ինչը նշանակում է տեղեկատվության տարածումը կամ որևէ կերպ այն հանրությանը մատչելի դարձնելը պետք է կրի հրապարակային բնույթ՝ անկախ տարածման եղանակներից, (համացանց, հրապարակային կոչ, գրավոր, բանավոր խոսք): Այն պետք է լինի ընկալելի, հասկանալի, լսելի անձանց լայն շրջանակի համար: Ցեղասպանության ուղղակի և հրապարակային հրահրումը ինքնին արդեն իսկ մեծ վտանգավորություն է ներկայացնում, սակայն այն հանրության համար առավել վտանգավոր է դառնում, երբ դրսևորվում է զանգվածային լրատվության միջոցներով, համակարգչային համակարգի միջոցով, կատարվում է մի խումբ անձանց կողմից նախնական համաձայնությամբ, կազմակերպված խմբի կողմից կամ անձի կողմից իր պաշտոնեական դիրքն օգտագործելով: Արդյունքում նշվածները ներկայացվել են որպես քննարկվող հանցակազմի ծանրացնող հանգամանքներ: Այդ իսկ պատճառով նախագծով առաջարկվում է նախատեսել առավել խիստ պատիժ նշված արարքների համար<sup>22</sup>: Մանավորապես, առաջարկվում է, որ ցեղասպանության ուղղակի և հրապարակային հրահրումը պետք է պատժվի ազատազրկմամբ՝ ուրիշ տասը տարի ժամկետով: Նույն արարքի համար, որը կատարվել է զանգվածային լրատվության միջոցներով, համակարգչային համակարգի միջոցով, մի խումբ անձանց կողմից նախնական համաձայնությամբ առաջարկվում է սահմանել ազատազրկում տասից տասնչորս տարի ժամկետով: Իսկ, եթե վերը նշված արարքները կատարվել են անձի կողմից իր պաշտոնեական դիրքն օգտագործելով կամ կազմակերպված խմբի

<sup>22</sup> Հարկ է կատել, որ արտասահմանյան տարբեր երկրներ այս հանցագործությունը դասել են ծանր կամ առանձնապես ծանր հանցագործությունների շարքին, որի համար հիմնականում որպես պատիժ նախատեսում են ազատազրկում տարբեր ժամկետներով կամ ցմահ ազատացրկում: Դատական պրակտիկան վկայում է, որ այս արարքի համար որպես պատիժ կիրառելի է նաև ազատազրկումը՝ 15, 30, 35 տարի ժամկետով կամ ցմահ ազատազրկումը (մանրամասն տես, Code penal, Version consolidée au 25 mars 2020, Chapitre Ier: Du genocide Article 211—2 [https://www.legifrance.gouv.fr/affichCode.do;jsessionid=A4990BFCEE1AE827C85C9A67C31C1AE6.tplgfr43s\\_2?idSectionTA=LEGISCTA000006165393&cidTexte=LEGITEXT000006070719&dateTexte=20200420](https://www.legifrance.gouv.fr/affichCode.do;jsessionid=A4990BFCEE1AE827C85C9A67C31C1AE6.tplgfr43s_2?idSectionTA=LEGISCTA000006165393&cidTexte=LEGITEXT000006070719&dateTexte=20200420), CODICE PENALE (dalla L. 19 luglio 2019, n. 69,) Art. 604-bis., Уголовный кодекс Украины от 5 апреля 2001 года № 2341-III (с изменениями и дополнениями по состоянию на 17.03.2020 г.) ч 2 ст. 442, Criminal code of the Republic of Albania, (Amended by law no.89/2017) Article 74/a [https://www.legislationline.org/download/id/8235/file/Albania\\_CC\\_1995\\_am2017\\_en.pdf](https://www.legislationline.org/download/id/8235/file/Albania_CC_1995_am2017_en.pdf)., The Prosecutor v. Edouard Karemera & Matthieu Ngirumpatse, ICTR-98-44-T, available at; <https://unictr.irmct.org/en/cases/ict-98-44>, NYIRAMASUHUKO et al. (Butare), (ICTR-98-42-A), available at; <https://www.legal-tools.org/doc/1d2476/pdf> / և այլն):

անձի կողմից իր պաշտոնեական դիրքն օգտագործելով կամ կազմակերպված խմբի կողմից առաջարկվել է սահմանել ազատագրում՝ տասնչորսից քսան տարի ժամկետով, կամ ցմահ ազատագրկում:

Հաշվի առնելով այն հանգամանքը, որ ՀՀ քրեական դատավարության օրենսգրքի 190-րդ հոդվածի 3-րդ մասի համաձայն՝ նախաքննությունը Հայաստանի Հանրապետության քրեական օրենսգրքի 189.1, 190, 217, 217<sup>1</sup>, 219-221, 224, 226, 226.1-ին, 233, 234, 250, 299, 302-307, 329, 329.1, 330, **384-397**<sup>23</sup> հոդվածներով նախատեսված հանցագործությունների վերաբերյալ գործերով կատարում են ազգային անվտանգության մարմինների քննիչները, իսկ Նախագծով առաջարկվող լրացումը կատարվում է **384-397**<sup>1</sup> հոդվածների միջակայքում՝ 393.1., քրեական ենթակայության հարցն ինքնին կարգավորված է, և այս օրենսգիրքը լրացման կարիք չունի:

**Ակնկալվող արդյունքը՝** Նախագծի ընդունմամբ կլրացվի այն բացը, որն այսօր կա ՀՀ քրեական օրենսգրքում: Որպես ցեղասպանություն վերապրած ժողովուրդ, քրեականացնելով ցեղասպանության հրապարակային և ուղղակի հրահրումը, ՀՀ-ն կշարունակի ցեղասպանությունների կանխարգելման գործընթացին ուղղված քայլերը՝ միաժամանակ ապահովելով Կոնվենցիայի շարունակական իրացվելիությունը: Նախագծի ընդունմամբ ՀՀ-ն կկատարի Կոնվենցիայից բխող պարտավորությունը՝ Կոնվենցիայի 3-րդ հոդվածով նախատեսված արաքների պատժելիության տեսանկյունից: Մարդկայնության դեմ այդ հանցագործության ճանաչումը կնպաստի տարածաշրջանի անվտանգությանը, կայունությանը և ժողովուրդների միջև համերաշխությանը, ինչպես նաև ոճրագործությունների կանխարգելմանը<sup>23</sup>:

---

<sup>23</sup> ՀՀ կառավարության 2019 թվականի փետրվարի 8-ի N 65 - Ա որոշման Հավելված  
<https://www.gov.am/files/docs/3133.pdf>

## Տեղեկանք

### ՀՀ քրեական օրենսգրքի փոփոխվող հոդվածի

#### **Հոդված 393. Ցեղասպանությունը**

**(վերնագիրը փոփ. 05.12.06 ՀՕ-256-Ն)**

Ցեղասպանությունը, այսինքն՝ ազգային, էթնիկական, ռասայական կամ կրոնական որևէ խմբի լրիվ կամ մասնակի ոչնչացման նպատակով՝ այդ խմբի անդամներին սպանելը, նրանց առողջությանը ծանր վնաս պատճառելը, մանկածնությանը խոչընդոտելը, երեխաներին հարկադրաբար մարդկային այդ խմբից այլ խմբի հանձնելը, բռնությամբ վերաբնակեցնելը կամ այդ խմբի լիովին կամ մասամբ ֆիզիկական ոչնչացման նպատակով կյանքի այլ պայմաններ ստեղծելը՝

պատժվում են ազատազրկմամբ՝ տասնչորսից քսան տարի ժամկետով, կամ ցմահ ազատազրկմամբ:

**(393-րդ հոդվածը փոփ. 05.12.06 ՀՕ-256-Ն, 23.05.11 ՀՕ-143-Ն)**

#### **Հոդված 393.1 Ցեղասպանության ուղղակի և հրապարակային հրահրումը.**

**1. Ցեղասպանության ուղղակի և հրապարակային հրահրումը՝**  
**պատժվում է ազատազրկմամբ՝ ութից տասը տարի ժամկետով:**

**2. Նույն արարքը, որը կատարվել է.**

**1) զանգվածային լրատվության միջոցներով կամ համակարգչային համակարգի միջոցով,**

**2) մի խումբ անձանց կողմից նախնական համաձայնությամբ՝**  
**պատժվում է ազատազրկմամբ՝ տասից տասնչորս տարի ժամկետով:**

**3. Սույն հոդվածի առաջին կամ երկրորդ մասով նախատեսված արարքը, որը կատարվել է՝**

**1) կազմակերպված խմբի կողմից,**

**2) պաշտոնեական դիրքն օգտագործելով՝**

**պատժվում է ազատազրկմամբ տասնչորսից քսան տարի ժամկետով, կամ ցմահ ազատազրկմամբ:**